



GJYKATA SUPREME E REPUBLIKËS SË KOSOVËS  
VRHOVNI SUD REPUBLIKE KOSOVA  
SUPREME COURT OF REPUBLIC OF KOSOVO



REPUBLIKA E KOSOVËS	REPUBLIKA KOSOVA
GJYKATA SUPREME E KOSOVËS	VRHOVNI SUD KOSOVA
G.J.A-Su.A	176/2014
Dt:	07.05.2014
PRISHTINË - PRIŠTINA	

Mbledhja e Përgjithshme e Gjykatës Supreme të Republikës së Kosovës në të cilën ishin të pranishëm edhe gjyqtarët dhe përfaqësuesit tjerë nga EULEX-i, në bazë të nenit 22 të Ligjit për Gjykatat e Rregullta, më 23.04.2014, me shumicë votash miratoi këtë :

Mendim juridik

**Vepra penale nga neni 318.par.1. të KPK, konsumohet vetëm po qe se shuma e detyrimeve doganore, me të cilat kryesi i është shhangur të paguaj , kalon shumën prej 5000 €.**

A r s y e t i m

Drejtori i Doganave të Republikës së Kosovës i është drejtuar Gjykatës Supreme të Republikës së Kosovës, me kërkesë për Mendim Juridik, në lidhje me veprën penale nga neni. 318. të KPK.

Sipas parashtruesit të kërkesës dilema qëndron në atë se a konsiderohet vepër penale çdo abuzim me dispozitën e nenit 318.të KPK , apo vetëm ato veprime kur shuma e detyrimeve doganore me të cilat kryesi i është shmangur të paguaj , kalon shumën prej 5000 €.

Kur është miratuar Kodi Doganor dhe i akcizave të Kosovës , veprime e njëjtë të kundërligjshme në segmentin e doganës që janë sanksionuar si kundërvajtje administrative doganore, njëkohësisht janë sanksionuar edhe si vepër penale ( shih nenin 274 dhe nenin 298 ) , pa vënë ndonjë limit në aspektin monetar .Kështu që siç është ndërtuar ligji veprimet e njëjta janë edhe kundërvajtje edhe vepër penale .

Në situatat e tilla duke u nisur nga standardi se norma interpretohet në favor të pandehurit , kurrë s'do mund të aplikohej dispozita që veprimet e njëjta që i ka sanksionuar si kundërvajtje i konsideron edhe vepër penale .

Tani me aprovin e KPK, veprat penale që ishin të parashikuara në Kodin Doganor dhe i Akcizave të Kosovës që ishte emërtuar si shmangie mashtruese nga taksa e importit dhe akciza është bartur në këtë Kod, neni 318 e emërtuar si : “ Shamngia nga pagesat e tarifave të detyrueshme doganore “, fatkeqësisht edhe me këtë kod nuk është vënë ndonjë kriter diferençues i cili do i përcaktonte qarte se: kur veprimet e kundërligjshme janë kundërvajtje; e kur vepër penale , dmth. akoma veprimet e njëjta që sipas Kodin Doganor dhe i Akcizave të Kosovës konsiderohen kundërvajtje administrative doganore neni 276 , njëkohësisht konsiderohen edhe vepra penale sipas nenit 318 të KPK.

Neni 8. i Ligjit për Ndryshimin dhe Plotësimin e Kodit Doganor dhe Akcizave të Kosovës Nr. 03/L-109, shprehet:

“Në rastet e parashikuara me nenin 273 të Kodit Penal të Kosovës (*kontrabandimi me mallra, tani 317* ), kur shuma e detyrimeve doganore të mallrave të importuara apo të eksportuara ilegalisht nuk e kalon shumën prej pesëmijë (5.000) Euro në vend të dënimit penal do të aplikohet gjoba administrative. Gjoba administrative do të konsiston në gjobë në të holla prej dyfishin e shumës së detyrimeve deri dhjetëfishin e detyrimeve, gjobë e cila do t'i jepet personit përgjegjës ( kryesit ) nga zyra përkatëse doganore”.

Neni 8 i Ligjit për Ndryshimin dhe Plotësimin e Kodit Doganor dhe Akcizave të Kosovës Nr. 03/L-109, abuzime doganore deri në 5000€. nuk i ka konsideruar vepra penale , nga neni 273 të KPK, por delikte administrative.

Përkundër faktit se nenit 8. i Ligjit për Ndryshimin dhe Plotësimin e Kodit Doganor dhe Akcizave të Kosovës Nr. 03/L-109, i referohet vetëm nenit 273 të ish KPK ( *ngase veprat tjera penale nga fusha e doganave, ishin të parapara në Kodit e Doganave dhe Akcizave* ) qëllimi i ligjdhënësit ka qenë që jo çdo shmangie nga pagesat e tarifave të detyrueshme doganore (abuzime me obligimet doganore ) të konsiderohet vepër penale, por vetëm ato veprime, kur shuma e detyrimeve doganore me të cilat kryesi i është shmangur të paguaj , kalon shumën prej 5000 €,

Të ndodhur para një situate të tillë , kur ligji nuk ka vënë limite se kur një veprim në segmentin e doganave konsiderohet kundërvajtje dhe kur vepër penale , si dhe bazuar në faktin se Seanca e përgjithshme e kësaj Gjykate, ka marr qëndrim juridik përkitazi me nenin 317 “ kontrabandimi me mallra”, është imponuar nevoja që të sqarohet situa edhe përkitazi me nenin 318, ngase si nen 317 edhe ai nga nen 318, të KPK, kanë genus të njëjtë.

Me këtë mendim juridik tërhiqet paralele në mes të veprimeve abuzive doganore që paraqesin kundërvajtje administrative doganore dhe veprimeve që konsiderohen vepër penale , (*ngase veprimet e njëjta abuzive që konsiderohen si vepër penale nga nenin 418.të KPK, konsiderohen edhe kundërvajtje doganore, sipas nenit 276. germa k dhe l. të KDA-ve*), do evitohen paqartësitë, me rastin e zbatimit të ligjit ; se një veprim duhet cilësuar kundërvajtje doganore apo vepër penale por edhe ishmangë situatat absurde , që për çdo paligjshmëri në sferën e doganave kur vlera e obligimeve të shmangura është e papërfillshme- shumë e vogël, të iniciohet procedurë penale .

Me respekt

Dr.sc. Fejzullah Hasani

Kryetar i Gjykatës Suprême të republikës së Kosovës